

آنادولو مجموعه سی

علم و ادیانده باعث آیلور مرقوم

مندرجات

عایشه توز کوسی	کمال احمد	ملیت پرو لکک معناسی	محمد طاهر
الامیه	فخر الدین محمدی	(بیلنر بیلنه یلره اوکره تون)	حبیب عاصم
قانت و فلسفه سی	رشاد شمس الدین	تورک قوملری	جهلمنی ضیا
آنقره	محمد شرف	بالان دوکن داغتری	حبیب فاضل
(ارتجاع قارشینده کنجک)	محمد امین	غربت آقشامنده	محمد مظفر
اورفا شاعرلری	محمد فاضل	برتقدیر تجربه سی	محمد کمال
نجایتینک شعر	محمد خالد	آنادولونک تشکلی	مکرمین خلیل
آنادولو قادیقلی	ضیاء الدین فخری	داغلره	اسماعیل نامی
عمر سیف الدین دائر	محمد طاهر	کوکلی	عمر بدر الدین
چناره نویی (حکایه)	حسن جمیل	اوسبای کوزل ایچون	حسن کمال
عبدالرحیم شریف موش اوواستده	عبدالرحیم شریف	جشمه	محمد فاروق
آنک انزلری	آنک انزلری	ضیاء الدین فخری قاریخچه ارضروم	ضیاء الدین فخری
		(اسولتر جالشه تک تیجملری)	صلاح الدین محمدی

تورکمن ایدی . آل سلجوق اداره سنده آسیایه مهاجرت ایدن تورکمنلرک ایرانده توطن ایدن اقسامی اولا اصفهان مدینه سنی وبلا آخره تبریزی مرکز اتخاذا ایتشلر ، ایران وطنی و ایران ملت و دولتی وجوده کتیرمشلر و تورک قومی ایچنده مستقل بر ملت حاله کشلردی .

تَحْلِيلُ وَ تَنْقِيذُ *

تاریخچه ارضروم

مؤلفی : محمد نصرت - ص : ۱۰۰
علی شکری مطبعه سی - استانبول ۳۳۸

صوک اون سنهک انتباه دوری ، مملکتی طائیف و طائیف عزمنی جاتی مثاللره کوستردن اثرلر میدان کتیردی . « آنادولو مجموعه سی » ، بویوک براقخارله قارشیلادیفی بو اثرلری

مملکت خلقنه طائیف ایچون چالیشدیغنی شمعی به قدر اولان نشریاتی ایله کوستردی . بویوک دده ، سابق ارضروم مبعوفی نصرت افندی طرفدن یازیلوب نشر ایدیلن « تاریخچه ارضروم » ی موضوع بحث ایده جکدر .

اثر ، ملی جدالک حرارتلی و غلبانی صرهلرنده چیقدی ، مملکتک چوق قیمتلی و قوتلی برکوشه نه عائد معلوماتی ویرمسه رغماً دیه بیلیرز که هیچ کیسه نک ائردن خبری یوقدر . آراسه کز کتبخانه لرده بولامازسکز . محیط بوکبی شیلره علاقه سنز اولدیغنی کبی محررده جداً متواضع و چکیکن داوراندی . حتی مملکته عائد تدقیقلر

کوی الهاملی :

چشمه

هر غریب چشمه کبی بوزواللی چشمه ده
کوندن کونه قورویوب بویله غریبکشمه ده !

۵۵۵۵

داملا داملا صوندن کولکلره قان آقار ،
صوصایان یوره کلره بوتون بر هجران آقار !

۵۵۵۵

بیاض ، سرمر طاشلری آرتق ٹولکون بکزی ،
آغلایان صولرنده حزین بر کولکل کبزی !

۵۵۵۵

بر داملا صو ایسته سهک بوزواللی چشمه دن ،
بر داملا ایچه مزسک هجرانکی آشمه دن !

۵۵۵۵

کویک اسکی چشمه سی بویله قورویوب آریر .
بعض آقشام اوکنده بر قانچ یولچی اورپریر .

محمد فاروق

ایله یقیندن مناسبتدار اولان مجموعه مزك، مذکور اثرله آنجیق شمدی قارشی قارشی یه بولمنسه عائد یگانه سببده بوندن باشقه برشی دكلدر .

* *

سائر بر مقدمه ایله باشلايور . محرر مقدمه‌سنده تاریخك اهمیتته تماس ایتكده ، قیمتی معلومات ویرمكده در . فقط بونلر عمومی بیلگیلر اولدینی ایچون اوزرنده فضله توقف ایدیه مز . یالکز شو نقطه‌یه اشارت ایده لم كه ، محترم مؤلفی ، مقدمه‌سیله بزه كزیده بر اثر اهدا ایده جكنی تبشیر ایدیور : فی الحقیقه شرقده تاریخ چوق مهملدر . حالوكه اوكا لایق اولدینی موقع ویریلیدی ، شرق بوگون باشقه بر موقعده بولنه‌جق ومثلاً بزده « ابن خلدون كی بشریتك صاییلر درجده یتشیدردیكی فحولك وضع ایتش اولدقلمی مسلك تعقیب اولونسه ایدی بوگون موجودیت ماده و سیاسیه مز واصل حد كمال » اولاجق ایدی . خلاصه مقدمه‌ك حقیقه‌لمی ، سزه تام معناسیله علمی بر تاریخ اثری اهداسی بشارتی تقویه ایتكده در . چونكه محرر ، مورخك رعایت ایده جکی شرائطی صاینور : وقایعك استحالات طبیعی‌دن تجردی ، مورخك بیطرفیسی ، طبایع ائمه وقوف... كوریلیور كه « ارضروم تاریخچه‌سی » ، بوتون بوقواعد رعایه یازیلا جقدر . حتی محرر فلسفی مطالعه‌لرده کیریشیور ، تاریخی « مشیه مادر ارضده نوع انسانینك كچیردیكی استحالات طبیعی‌ك كشی ایچون یاپلمش بردوربین » عد ایدن وولترك دستوری قبول ایدیور . مقدمه‌دن سوكره بویوك برانشراح ایله ، مسعود بردوشونجه ایله مدخله داخل اولویورسكز . مدخله مؤلف فتح‌البلدان ، افسرای ، معجم‌البلدان ، جهاننا... كی معظم ، قیمتی تاریخلمی او قودینی ذكر ایدیور و ارضرومك جغرافیاسیله موضوعه کیریشیور : « بوشهر آسیای عثمانینك شرقده (شیغوه) طاغتك شمال سطح مائلنده بنا اولوتمشدر . مباینك بولدینی اراضی ، سطح مائلدن ۱۸۰۰ مترو ارتفاعده در . شهرك غرب جهه‌سی واسع بر اووایه ناظر در الخ » (ص ۱۸) بر قاج سطر صوكره تاریخی قسم باشلامقده در . ایلك اول شهرك اسمی موضوع بحثدر : ارضرومك اسکی اسمی « ارزن روم » اولوب بووجه ایله تسمیه‌سی سبی ، اخلاط قریبنده كاشن و ارزن اسمیه مبسی بر شهردن تفریقی در . بو اراده ارضرومك طقوزنجی عصره قدر مستقلاً اداره ایدیلدیكی سوبله نیورسده استقلالك صاحبی كیمدر ؟.. بوراده بویوك ومعیندار براستفهام وار ! ساده‌جه قبل‌المیلاد اسمك (ثئودوسیوپولیس) اولدینی ، عمر و عثمان زماننده عربلرك ، ۹۲۰ ده عثمانیلرك آله كچدیكی ، بو ایكی فاصله آراننده کی سلجوق دورینك

مجهول قالدینی ذکر اولونیور . بونی متعاقب کاتب چایینک . (جیاتما) سندن آلمه ، شهرک تصویرینه عائد ایکی صحیفه ومختلف دورلره عائد متفرق واقعات کوزه چارمقده در . اثرک تاریخی قسمی بوقادار . بوندن صوگرا دینی مؤسسه متعلق ، داغئق بعضنورلر ، بعده اونجی عصر هجریده ارضرومده ظهور ایدن وقایع موضوع بحث ایدیلکده ، آباره وقعه سنه ، ایرانلیلر و عثمانلیلر آراسنده کی وقایع ائسانده ارضرومک احواله ، نهایت یقین زمانلرک وقوعاتنه ، عمومی وملی حربلرده ارضرومه تعلق ایدن معلوماته تماس اولومتقده در . بو صحیفه لری شهرک عالملری ، محرر وشاعرلرینه عائد صحیفه لر تعقیب ایدیور . نتیجه اعتباریله ۱۳۰ صحیفه ک اثرک ایکی اوج سطری ارضروم جغرافیاسنه ، اون قدر صحیفه سی تاریخه ، اوتوز قدر صحیفه لری صوگ سندر وقایعنه ، الیدن فضله سی ده تراجه دائردر . کتابک صوکنده محررک نهدن قارئی بویه پارلاق ووعدکار بر مقدمه ایله اغفال ایتدیکنی دوشونمکدن منع نفس ایتک نمکن دکلدور . [۱]

فی الحقیقه اثر ، بدایتده اومدیفکر نتیجه یی ویرمه مش ، سزی شیخ بر خیال سقوطنه اوغراشمشدر . باشده کی مقدمه ایله تاریخک علمی تلقیلرندن ، فلسفه تاریخدن بحث ایدن ، شمعی یه قدر یازیلش اولان تاریخی اثرلرده کی علم ، تصنیف ، مشاهده ، ایضاح عمدلرینک فقدانندن مشککی اولان محترم نصرت افندی ، اعتراف ایدم که ، هنوز تاریخک شکلندن خبردار دکلدور . زیرا خبردار اولسه یدی ، براقچ سطر جغرافی معلومات آراسنده ارضروم تاریخک مهم بر مستقل دوری اولدیغنی ، عربلردن عثمانلیلره انتقال ایتدیکنی سوبله یه جکدی . عربیجه ، عجمیجه ، ترکیه سلجوقلرک آنادولوده وتخصیصاً ارضرومده کی حاکمینه عائد [۱] کتابک اون دردنجی صحیفه سنده محرر مقدمه سنی اون سنه اول قلمه آلدیغنی سوبله یور . خن ایدرمکه نصرت افندی ، حقیقی تاریخی تدقیقلره مستند بر تاریخچه یاقتی ایسته مش ، فقط مع الاسف بزجه مجهول سبلردن طولایی استعجال ایدهرک هیچ بر علمی خاصه یی حائر اولمایان ، تصنیفسز وایضاحسز ، بناء علیه قیمتسز بر اثر وجوده کتیرمشدر . محرر تاریخک حیاته اولان مثبت ومنتوبیتخش تأثیرینه قاندر . حالبوکه حیاته بالواسطه مؤثر اولان علمک اک چوق نفرت ایتدیکی استعجال ، شارلاتارلق ؛ اک زیاده سودیکی ده صبر ، صمیمیت ، تواضعدر . برارضروملی صفتی ، تاریخک معنا وماهیتنی ییلن بر عالم صلاحیتنی حائر اولان نصرت افندی بزی بو خصوصده خیال سقوطنه اوغراغمالیدی . مجزئی مدرک اولدیغنی سوبلکه برابر بونی بالفعل کوسترمک ایچون ارضرومک یکی واسکی حیات وتاریخی حقنده معلوماتی اولانلره مراجعتی لازم کلزمیدی ؟ یوق ، اکر مقصد هرچه بادآباد اثر نشر ایتک ایسه ، قوتله سوبله یلم که ، بو علمه ونعلم کی تاریخه قارشی برهانتدن باشقه برشی دکلدور .

بوزلرجه اثر موجود ایکن ، حتی بو اثرلرک اسملرینی ده کندیلسی ذکر ایتش ایکن بونلرد
 - هر نه سبيله اولورسه اولسون - الثفات ایدیللمسی ، تاریخچه یازمق ایستین هر متنبث
 ایچون جدا فایع بر خط حرکتدر . مؤلف ، بعض یرلرده متواضع ، عجزی نی مدرک
 داورانمقله برابر ویردیکی صلاحیتدار حکملرله کندیلسی تخطیه سبب جاضرلامشدر .
 مقدمه ده مورخلرله لازم شرائط و اوصاف ذکر ایدیلش ، تاریخک معناسی توضیح اولونمش ..
 فقط اثرده بو اوصاف و شرائطک ، تاریخی استدلال و محاکمه ک موضوع اوله جنی هیچ
 برواقعه یوقدر . نه برسلسله ، نه برتصنیف ، هیچ ، هیچ برشی کوره مزسکر . عثمانلر
 آلدن ارضرومک تاریخنه عائد داغیق و غایه سز بر طاقم معلومات ویردکن صوکر
 (صالقی) لرک ارضروم ایله اولان مناسبتی آرامق عیجا هانکی تاریخی تلقینک ، تصنیف
 اصولک ایجابیدر ؟ .. تراجم قسمنده مؤلف ، تذکره لردن و شقایقدن بر جوق قویه لر
 یامقندن باشقه نه یامشدر ؟ .. نسبت یکی و تذکره لره کچمه مش شخصیتلره عائد ویریلن
 معلوماتده جوق [تذکره آسا] در . حالبوکه بودورده تاریخک علمی طرزندن بحث
 ایدن بر ذات بو طریقّه توسل ایتمیلیدی . بونکله برابر اثرک قیمتی انکار ایتمه بورز .
 بو قیمت بالخاصه تاریخی آثار و مبانی قسنه تعلق ایدر . کوکل آرزو ایدردی که بو پارچه -
 لرده بر آزار ایشلمش ، بو صورتله تاریخک حق ویریش اولسون ... مثلاً ملی ، دینی
 آبدلرک رسملرینی درج ایتک ، بدیی اثرلرک تشریحی یامق کچی . کرچه مؤلف « وجود
 عدمدن خیرلدر دستوریه حرکت ایدرک ارضروم حقنده ولو ناقص اولسون بر تاریخچه
 یازمغه ملهم اولدم » دیه عجزی اظهار ایدیور . فقط بر سؤال وار : مقدمه ده کی بشیرلردن
 تاریخک علمی اصول طرزنه عائد سطرلردن مقصود اولان خاصه بی اثرده نه دن کوسترمه مش ،
 قارئی نه دن بویه فایع بر خیال انکسارینه معروض بر اقمشدر ؟ . ایسته نصرت افندی بی
 تخطیه باعث یکنه نقطه ... کندیلسه آنادولو تاریخی نامه تشکر ایده جکر . فقط عین
 زمانده سرد ایتدیکی پارلاق تاریخ عقیده لرینه بالفعل لایق دالیدینی ، دوداق بو کدیکی
 ایچون مؤاخذه حتمز اولدینی علاوه ایله جکر . زیرا بوکله ایله عالمه عقل او کرتمک ،
 آنادولونک ملی سجه سینه یاقیشمایان بر روی اوینامق دیمکدر . حیانه اولدینی کی علمده ده
 وقار ، تواضع ، کندینی بیلش اخلاق قاعده لری کی ضروری و واجب الاتباعدر .
 او قودینی کندی سوزلردن آکلادیغمز آقسرائی ، سراپا سلجوقیلر زماننده ارضرومک
 باشندن کچنلری حکایه ایدز . (ژورنال آزاتیک) دن بعض درمه چاتمه معلومات
 طوبایان محرر ، بونکله فرانسزجه بیلدیکی آکلاتمق آرزوسنده در . حالبوکه ارضرومک

اسکی ویکی تاریخچه عائد فرانسزجه اثرلر یوق دکلدرد . بالخاصه ارمینلرک خیالی وطن عد ایتدکلری ارضرومزمه عائد دفته شایان تدقیقلری واردرد . مملکت عشقی ایله دشمنک بومالندن استفاده ایتمک ، نصرت افندی کبی اندیشناک بر ارضروملی ایچون اک الزم بر شیدی . معظم اثرلرک سادهجه اسملرینی ذکر ایتمک ، و صوکر ا بونلرده علاقه دار هیچ بر معلومات بولندیغنی علاوه و بوضورتله قارئی اغفال ایتلک .. علمی اخلاقک تلقین ایتدیکی خط حرکت بومیدرد ؟ حقیقته محرر ارضرومه عائد یکی واسکی هیچ بر معلومات و یرده مشدر . هیچ دکلله فعالیتنی بر وجهیه توجه ایتیهیدی ، اوجهیه ، مثلاً عثمانیلر زماننده ویاملی جدالده ارضروم وقوعانه عائد تدقیقاده بولنیهیدی هیچ شهسز دهامشکور بر سعیده بولوش اوله جقدی .

ضیاءالبریه فخری

اصولسز چالیشمانک نتیجه لری

ملی وارلقنی دویوب یکی بر حیاته آیلایق اولان آنادولونک ، علم بولنده ، حرث بولنده ، مدنیت بولنده بوتون ملتدن زیاده چالشمسی ؛ بالخاصه اوکا بو حیاتده استقامت و یره جک اولان کنجکلک اک اولک صفده موقع آلمسی اثرمدر .

اجتماعی ایش بولومک عمومیلشدیکی و جمعیتک تکاملنی درینلشدیردیکی شو عصر ، هر متخصصک کندی شعبه سنده جدی و متمادی بر فعالیتده بولمخنی استلزام ایدیور . چالشمق ، انسانلر ایچون هر شیدن اول بر احتیاجدر ، بوکون بو احتیاج و ضرورتی بوتون مملکته دویوزمق مجبوریتده یز . خلقمیزک یوکسک سجه لرینک یاننده برده « چالشقانلق » وصفی بولوندیغنی کیسه انکار ایده مز . فقط بو وصفی اولدیره ن بر نقیصه وارکه اوده چالشمزک سوره کسز ، مفرط ، انتظامسز و اصولسز اولمیدرد . صرف ایتدیکمیز قدرته آلدۀ ایدیلن نتیجه آره سنده مقایسه یاپوب متحیر و مأیوس اولماق قابل دکلدرد . آرتق عصرلرک کولله دیکی آنادولو اوجاغنی بارلادی ، غولندی . تاریخک عصیانلره ، استیلا لرله ، حربلره ، دینی بحرانلره آغیرلاشان مدحس سلیندیری آرتق بردها دونه میه جک ، بردها او آتشی سوندیره میه جک .

فی الحقیقه خلقمیز چوق چالیشیر . فقط فنا چالیشیر . انتظامه ؛ اصوله اهمیت و یرمز .